



A. Capell, 4. 1. '20.

238 TAF

MOORE COLLEGE  
LIBRARY

MOORE THEOLOGICAL COLLEGE LIBRARY



3 2042 10014542 8

## Tafulu si nataa.

God 'e sorea si nataa ne'i, nia 'una 'eri :—

1. Ni nau God 'oe tha Jehovah....'osi alua la'u ta god ina'oku.
2. 'Osi thauna 'inia ifamu nuuna ta do kera thauna 'inia....'osi 'ono i'aeda, 'osi ra iada.
3. 'Osi sorea thatana God 'oe tha Jehovah 'ana lolala.
4. Manatato'ono fa boni Safath 'ana abute'ilana.
5. Fareba'ita 'ana maka 'oe ma thainamu.
6. 'Osi thathauwane.
7. 'Osi o'e'e.
8. 'Osi bibili.
9. 'Osi ililiba'ea 'ata wane 'ana wane 'oe ki.
10. 'Osi thathathamia luma ta wane 'ana wane 'oe ki, 'osi thathathamia kwai ta wane 'ana wane 'oe ki, ma wane 'ana ra nia, ma ukini 'ana ra nia, ma bulamakau nia, ma as nia, ma ta si bana 'ana si do kera ki

## Si ba'ea ki.

1. Ni tei na kai beta sulia si nataa 'eri laula'u, ma sui kai adegaro 'ana te'e si kula, nia katu kai sui bo'o na'a.  
JAMES 2.10.
2. Kera sui kera adeta'aa, keki nunuru fa'isia 'inotoa tha God.  
ROMANS 3.23.
3. Wane kai adedeta'aa bana, manona kai mae.  
EZEKIEL 18.4.
4. Na folilana adeta'aala na maea ; na si do na tha God kai tona falea bana na na marukia tathaa ni 'atha Christ Jesus tha Lord kia.  
ROMANS 6.23.
5. Uria na God 'e thathamia fanua ne'i iano 'una 'eri, nia ka falea mai te'e fa Kalu Wane nia, fa'isia ni tei na kai fiito'ona ka a'i si sui, ma kai too 'ania marukia tathaa.  
JOHN 3.16.
6. Tha Christ Jesus 'e lae mei uria fanua na'i iano uria kai fa'amarukia to'a na kere adeta'aa.  
I. TIMOTHY 1.15.
7. Si kada na kulu adedeta'aa 'u mena, tha Christ 'e mae urikulu.  
ROMANS 5.8
8. Muki futa la'u iburi...futa 'atha Ano'edo.  
JOHN 3.7,8.
9. Sui muki manata tala, muki akele iburi, keki usua abulata'aalamulu'a ki.  
ACTS 3.19.

10. 'Oki fiito'ona tha Lord Jesus, keki  
fa'amaruki'oe. ACTS 16.31.
11. Si *mana* na kera fiito'o 'ona...keki  
fa'asiufida *wane* ki ma kini ki la'u bo'o.  
ACTS 8.12.
12. Imole kai fiito'o 'ana manatana kai  
fulato'ona kokotola, kai fa'amamana'a  
'ana fokona kai fulato'ona marukia.  
ROMANS 10.10.
13. Mana sa ta *wane* ni 'atha Christ, nia do  
faalu : si do 'u ina'o ki kera tatha na'a ;  
do 'oro ki kera faalu na'a.  
II. CORINTHIANS 5.17.
14. 'Oki too mamana bo'o uria maea, kwai  
'erea *gwaumu* 'ana marukia.  
REVELATION 2. 10.



## Fo'ala tha Lord.

Tha Jesus too 'ana te'e si kula kai fo'a 'ana,  
lalae sui, te'e noni'i *wane* 'ana aini to'a  
nia ne toleda 'e sore'e sana, Lord, 'oki  
to'oa fo'ala isamili'a,....

Nia ka sorea sada, Si *mana* na muki fo'a  
'amulu'a, muka sorea, LUKE 11.1,2.

Maka kamili'a ni mai Iaa, keki fa'aabua  
thatamu. Taloa 'oe kai lae mai. Keki ilia'



si do na 'o thathamidaki, iano kai 'uria la'u bo'o Iaa. Fana kamili'a 'e to'o na itara'ena 'oki falea mai iamili'a itara'ena. Ma 'oki do'anita iamili'a 'ana adeta'aalamili'a ki, 'uria la'u bo'o na miki do'anita 'ana to'a 'e ki sui bo'o na keki abulata'aa iamili'a. Ada 'oko talaikamili'a sana ilito'oa ; ma 'oki su'usikamili'a fa'isia ta'aala ; sulai'ania na do 'oe na na taloa, ma na suukwa'ia, ma na 'inotoa, tootoo si sui.—Emen.



## Si do na keki fa'amamana'aa.

Nau ku fa'amamane'a tha God na Maka  
suukwe'i ka tatha, I. CORINTHIANS 8 6.

'E thauna'inia iaa me iano ; GENESIS 11.

Ma nau ku fa'amamana'aa te'e fa Kalu  
Wane nia tha Jesus Christ, na Lord kia,  
MATTHEW 1 21 ; JOHN 1 41 : I JOHN 4 9 ; JOHN 13 13.

Tha Ano'edo Abu'e kwalafinia, MATTHEW 1 20.

'E futa 'ana thaari'i na ni Meri, MATTHEW 1 23.

'E too 'ania se'efiia 'atha Bodios Bailato,  
MATTHEW 27 2-26

Ma keka fota fafinia 'ana 'ai rarafolo, ka  
mae, keka alua :

JOHN 19.18,30,33 ; LUKE 23 50-53.

E sifo ilala i Heites ; ACTS 2.27,31 ; EPHESIANS 4 9.

'Ana uula fa boni 'e tata'e la'u fa'isia to'a  
na kera mae ; ACTS 2 24 ; I CORINTHIANS 15 4.

Nia ka ta'e uria iaa, LUKE 24 51.

Ma kai 'ono bana ibali 'aba a'ola tha God  
na Maka suukwa'i ka tatha ; MARK 16 19

Nia to'o mai si kula 'eri tootoo kai lae mai  
kai talisia ai na kera maruki ki ma  
ai na kera mae ki. II TIMOTHY 4.1.

Nau ku fa'amamane'a tha Ano'edo Abu ;  
JOHN 14.26 ; 15.26.

Ma na Figua 'e abu ila fanua ni sui ;  
EPHESIANS 5 23-27 ; I. CORINTHIANS 1 2 ; HEBREWS 12 23.

Ma na nana'ilana to'a kera abu ; I JOHN 1.3,6,7.

Ma na do'anitala 'ana adeta'aala ki ;  
EPHESIANS 1.7 ; ACTS 13 38.

Ma na tata'elana se'ena imole ; JOHN 5.29.

Ma na marukia tootoo si sui.—Emen.  
JOHN 6 47 ; I JOHN 5 11,12.

# Ku alana'i Jesus.

Ukuna : Aurelia, S.S.S. 703.

1. Ku alana'i Jesus  
 Kwai ra nado iam ;  
 'Oe wane 'o 'inoto  
 'Ee ! 'oki too binau ;  
 'E a'i kwasi ma'u  
 Ni 'oe ibali nau,  
 Sa 'oki liu ina'o  
 Nau kwasi lae garo.
  
2. 'O alana'i Jesus  
 Ni tei lae lae buriam  
 Kai too tau ofu bi'oe  
 Fanua le'a 'oe.  
 Ku alana'i Jesus  
 Kwai ra nado iam  
 'Oki 'adominau mai,  
 Ruana nau ni 'oe.
  
3. Kwai rikia 'a'aemu,  
 Kwai sulea laelam,  
 Kwai tala lae 'e a'i,  
 Fa'asuukwainau ;  
 'Ee ! 'oki 'eilinau mei,  
 Rau nado iaku,  
 'Oe tharenau mai Hefen,  
 Thuufaku na ni 'oe.



## Sulia na tafulu si nataa.

1. Ta na 'o 'alamia 'asi do na'i?  
Na tafulu si nataa.
2. Tei ne sorea si nataa 'eri ki?  
Tha God.
3. Ifei?  
Gwauna gwa tolo i Sainai.
4. Tei kera na nia 'e fa'aronokera mania?  
Moses ma kwalafa tha Israel.
5. Do uria talito'ona kwalafa tha Israel bo'o na nia?  
'E a'i, fana to'a ni sui bana.
6. Uria ta na tha God ka fafalea na tafulu si nataa'eri iaka?  
Fasi kei faata'inia adeta'aalaka isaka.
7. Ta wane la'u 'e ade sulia tafulu si nataa 'eri?  
Te'e tha Jesus bo'o.
8. Na tafulu si nataa 'e 'uria ulu si do, si ta ki?  
Ironunu tha God, kilu tafulu thaba,  
'oloto'o tha God.
9. Ta na 'o rikia ilala iironunu 'eri?  
Si lio ta'aa ni la ruruuku.
10. Ni fe nia na tafulu si nataa 'e 'uria kilu?  
Mada so musia te'e thabado 'o musia  
te'efau bo'o na'a 'ana kilu.
11. Mada so 'oloto'ona imole 'ana 'oloto'o tha God, 'e 'ufita?  
"Kera sui kera adeta'aa, keki nunuru  
fa'isia 'inotoa tha God."

## Sulia si ba'ea ba ki.

1. 'Oki fa'arononau 'ana te'e si kula tha God 'e sorea mada sa kulu ade fa'isia te'e si nataa kulu katu kai sui?

Ni tei na kai beta sulia si nataa 'eri laula'u, ma sui kai adeqaro 'ana te'e si kula, nia katu kai sui bo'o na'a.

JAMES 2 10.

Nata na " si nataa laula u ' tarifula 'ania?

Si do ki sui bana tha God sore'e kuki ade bakulu'a sulia.

2. Ta fita noni'i wane kera adeta'aa?

Kera sui kera adeta'aa keki nunuru fa'isia 'inotoa tha God.

ROMANS 3.23.

3. Na ta na gwauna to'a 'ana adeta'aala?

Wane kai adedeta'aa bana, manona kai mae.

EZEKIEL 18.4.

4. Na ta na folilana adeta'aala?

Na folilana adeta'aala na maea; ma si do na tha God kai tona falea bana na na marukia tathaa ui 'atha Christ tha Lord kai.

ROMANS 6.23.

5. Ni fa na adelana ni oe oko thaito'omana tha God ne thathamikulu?

Uria na God 'e thathamia fanua na'i iano 'una 'eri, nia ka falea mai te'e fa Kalu Wane nia, fa'isia ni tei na kai fiito'ona ka a'i si sui, ma kai too 'ania marukia tathaa.

JOHN 3.16.

Na ta na "fanua ne'i iano" tarifula 'ania?

To'a ni sui bana kera too 'ana fanua  
na'i iano.

Na ta na "sui" tarifula 'ania?

Kai mae, tootoo kai lae uria i Hela.

Na ta na "marukia tathaa" 'e tarifula 'ania?

Keki too 'ana fanua lo iaa sulia boni.

6. Tha Jesus 'e lae mei Iaa uria ta?

Tha Christ Jesus 'e lae mei uria fanua  
ne'i iano uria kai fa'amarukia to'a na  
kere adeta'aa.

I. TIMOTHY 1.15.

7. Ni fa na adelana tha Jesus kai fa'amarukia to'a ne kera  
adeta'aa?

Si kada na kulu adedeta'aa 'u mena,  
tha Christ 'e mae urikulu.

ROMANS 5.8.

8. Ni fa na adelana kuku wela tha God?

Muki futa la'u iburi...futa 'atha Ano'edo

JOHN 3.7,8.

9. Ma kuki ade 'ifita?

Sui muki manata tala, muki akele  
iburi, keki usua abulata'aalamulu-'a ki.

ACTS 3.19.

10. Mada sa kulu luka 'ana adeta'aala, kuka maruki  
inunufana?

'E a'i, God sore'e 'una 'eri:—'Oki  
fiito'ona tha Lord Jesus, keki  
fa'amaruki'oe.

ACTS 16.31.

11. Kulu fiito'ona sui, kuki ade 'ifita iburiana?

Si mana na kera fiito'ona .... keki  
fa'asiufida wane ki ma kini ki la'u  
bo'o.

ACTS 8 12.

Sisiula kai fa'amarukikulu ?

'E a'i.

Kuki too 'ifita ina'o, sui kuku bi sisiu ?

Kuki futa la'u iburi.

Uria ta na 'oko thathamia keki fa'asiufi'oe ?

Mamanalana tha Jesus do nia na ni  
nau, nau ku thathamia kwai ade  
baku sulia si do nia 'e sore'e.

Si ta na 'oki ilia mana keki fa'asiufi'oe ?

Fa'amaman'a tha Jesus ma'alutana to'a  
na fanua.

Na sisiula nuuna na na ta ?

Maea ma tata'ela fa'isia maea.

Ni fe nia nuuna na na maea ?

Kulu thuthu ila kafo ka faata'inia  
kera alukula ka sui na'a biia tha  
Christ.

Ni fe nia nuuna na tata'ela fa'isia maea ?

Kulu ta'e fa'isia kafo ka faata'inia kulu  
tata'e ka sui na'a, fa'isi kuka abula  
'asi abulala faalu.

12. Kulu f'amamane'a tha Lord Jesus uria ta ?

Uria na God 'e sore'e:—Imole kai  
fiito'o 'ana manatana kai fulato'ona  
kokotola, kai fa'amamane'a 'ana  
fokona kai fulato'ona marukia.

ROMANS 10.10.



13. Si ta na God 'e sorea sulikulu si do na kera bi'i thauna i faalu 'ania?

Mana sa ta *wane* ni 'atha Christ, nia do faalu: si do 'u ina'o ki kera tatha na'a; do 'oro ki kera faalu na'a.

II. CORINTHIANS 5.17.

14. Si ta na tha God 'e alawania mada sa kuki too mamana? 'Oki too mamana bo'o uria maea, kwai 'erea *gwaumu* 'ana marukia.

REVELATION 2.10.



## Sulia fo'ala tha Lord.

1. Kulu 'alania si do ne'i 'ana "fo'ala tha Lord" uria ta? Uria tha Jesus 'e to'oa sana aini to'a nia ne toleda.
2. Fo'ala ne'i fani tei? Fana aini to'a na tha Jesus toleda.
3. Na ta na to'a ni toleda tarifula 'ania? To'a na kera fiito'ona tha Jesus na keki lae buira.
4. Maka to'a na fanua ni sui bana na tha God? 'E a'i, Maka talito'ona to'a na kera futa la'u iburi.
5. (6) Na ta na "Taloa 'oe kai lae mai" tarifula 'ania? Kulu thathamia tha God kai 'inoto 'ana fanua ne'i iano.

6. (7) Na ta na tarifula "Keki ilia si do na 'o  
thathamidaki iano kai 'uria la'u bo'o laa?"

Kulu thathamia to'a ni sui keki ilia si  
do na tha God 'e thathamia 'uria  
ediel ki keki ilia mai fanua iaa.

7. (8) Na ta na "fana" tarifula 'ania?

Fana 'ana se'eka ma fana 'ana manoka.

8. (10) Mada sa kulu thathamia tha God kai do'anita 'ana  
adeta'aa lakulu'a, kuki ade 'ifita?

Kuki do'anita 'ana to'a na kera adeta'aa  
iakulu'a.

9. (11) Na ta na "Ada 'oko talaikamili'a sana ilito'oa"  
tarifula 'ania?

'Osi talai kamili'a uria ta si kula na tha  
Seitana kai labata'i kamili'a.

10. (17) "Emen" kai 'ifita?

Kai ala fafia fo'ala 'eri.



## Sulia si do na keki fa'amamane'aa.

1. Na ta na si do na'i nata sulia?

Si do ne aini Christian kera thaito'omana  
'e mamana.

2. (4) Tha God na na ta?

God na na ano'edo.

3. (5) Fita God na kera too?

Te'e do bo'o.

4. (6) Fita Ai 'ana te'e God?

Ulu Ei.

5. (7) Tei kera?

God na Maka, God na Kalu Wane, ma  
God na tha Ano'edo Abu.

6. (8) Maka ni tei na tha God?

Tha Jesus ma aini Christian ka sui  
bo'o.

7 (10) Ni fa na adelana tha God ka thauna'inia thalo lo  
ma fanua ne'i iano?

Nia ba'e bana 'e a'i si thauna'inia 'ana  
ta si do.

8. (11) "Jesus" na ta na thata 'eri tarifula 'ania?

Wane na fa'amaruki, na na Thuufa.

9. (12) "Christ" na ta na thata 'eri 'e tarifula 'ania?

Wane 'inoto ka tatha, na na "Kin."

10. (15) Na ta na "Lord" tarifula 'ania?

Wane 'inoto.

11. (17) Thaari'i ni Meri ni tei?

Thainana tha Jesus, si mana ne lae  
mei kei imole.

12. (19) Tha Bodios Bailato ni tei?

Wane i Rome ne gafano i Diutia.

13. I Heites, ifei?

Fanua to'a mae ki.

14. (24) Tha Jesus kai 'ono uria ta?

Uria ne fa'asuia ra nia.

15. (25) Na ta na "ibali 'aba a'ola tha God" tarifula 'ania?

Si kula 'ana suukwe'ia.

16. (26) Na ta nia kai ilia ne kai 'ono mai si kula 'eri?

Nia kai betakulu fa'isia 'arula. JUDE 24.

Kai fo'a fa'isikulu.

HEBREWS 7.25.

Kai kasia ta fanua ma'akwelikulu.

JOHN 14.2-3.

17. (27) Ta na tha Jesus kai ilia tootoona'o sui kai lae mai  
kai talisia to'a ne kera adeta'aa?

Nia kai lae mai ina'o kai tolea to'a  
nia ki uria fanua nia.

I. CORINTHIANS 15.23.

18. (28) Tha Ano'edo Abu ni tei?

Anona God.

19. (29) Si ta na nia kai ilia mai iakulu'a?

Nia kai falea marukia iakulu'a, kai  
fa'amanataikulu kuka thaito'omana  
tha Christ.

20. (30) Ifei ne alawa'i kai too iei?

Ni la ruruuna Christian ki kai sui  
bana.

21. (33) Na ta na wa "Figua"?

Wane ma kini tha God talisia 'ana  
Thatana sana to'a na fanue.

ACTS 15.14.

22. (34) Ta fita Figua na kera too?

Te'e do bo'o.

EPHESIANS 5.23,27

23. (35) Tei kera 'ana te'e Figua 'eri?

To'a ni sui bana keki fiito'o tha Christ  
mamana.



24. (37) "To'a kera abu," tei kera

To'a God.

25. (38) Ni fa na adelana kuka thaito'omana kera do'anita na'a 'ana adeta'aalakulu'a?

Uria na God 'e 'una 'eri sana to'a na kere fiito'o tha Jesus: — "Kera do'anita na'a iamulu'a 'ana adeta'aalamulu'a ki uria na thatana."

I JOHN 2.12.

26. (39) "Ta'elana se'ena imole" 'e 'ifita?

God kai tata'ea se'eka fa'isia kweine'ia.

27. (40) Tei ne kai ta'e tootoona'o?

Aini Christian "To'a na kera mae ni 'atha Christ keki ta'e tootoona'o."

I. THESSALONIANS 4.16.

28. (41) Lalae te'e to'oni fa nali sui, tei kera na keki bi'i ta'e?

To'a na kera ta'aa. "To'a na kera teo mai 'ana to'a mae ki."

REVELATION 20.5.

29. (42) Ni fa na adelana fasi kuka fulato'ona marukia tathaa?

'Ana fiito'onalana Christ. "Ni tei na kai fiito'ona na Kalu Wane, kai too bana 'ania marukia tathaa."

JOHN 3.36.

# Sulia thauna'ia God ilia mai ina'o.

1 Ni tei 'e thauna'inia do 'oro ki ta do si e'i?

"Ina'o mai God thauna'inia na thalo lo  
ki ma na fanu ne'i iano."

2. 'E thauna'inia 'ana ta?

'E a'i si thauna'inia 'ana ta si do.

3. Fita fa boni tha God 'e thauna'inia fanue ne'i iano sulia?

Ono fa boni.

4. God 'e sore 'ifita sulia ra nia?

"God 'e rikia do 'oro ne ilidaki, ma ka  
le'a fa'ama'u na'a."

5. God 'e ade 'ifita 'ana fiuna fa boni?

'E mamalo.

Uria ta na kuki mamalo 'ana fa boni tootoona'o 'ana uik?

Uria na tha Jesus 'e tata'e fa'isia maea  
'ana fa boni 'eri, ma aini Christian  
tootoona'o keki ofu mai 'afa boni 'eri  
keki 'ania Fanaa itha'ulafia tha Lord.

ACTS 20.7.

6. God 'e thauna'i 'ifita 'ana wane?

God thauna'inia na wane sulia nuuna  
'ana gegeona the'egano.

7. God 'e thauna'i ifita 'ana kini?

'E fa'amaleua wane 'eri ka maleu, ka  
lafua si o'gi babara ininimana rakenā.

8. Ni fe nia adelana God ka falea si *mano* ifada?

'E 'ufu sulia ro male'e *gwalusuda* 'ana  
si *mano* ni marukia.

9. Na *wane* ma na kini tootoolena'o thatadaro'a ni tei?

Tha Atam ma ni Ifi.

10. Ifei na God 'e aluda iei?

La ra i Iten.

11. 'E le'a iada?

Iu.

12. Uria ta?

Uria 'e a'i ta adeta'aala, 'e a'i ta mata'ia,  
'e a'i ta ma'ua, 'e a'i ta maea.

13. Te'e 'ai tha God 'e sore 'una 'eri "'Osi 'a'ania," na  
'ai ta?

'Ai 'ana thaito'omanalana le'ala ma  
ta'aala.

14. Ni tei 'e thathamia kai labata'inia na ra God?

Tha Seitana.

Tha Seitana na akalo?

'E a'i, ano'edo ta'aa; ne lolea to'a ne'i  
fanua ne'i, keka fo'a thatana akalo  
ki; na maka kera 'e a'i, do tha  
Seitana arasia mai.

Na ta na thata 'eri, tha Seitana, tarifula 'ania?

Ma'alimae.

15. Nia 'e lae mai 'ifita sani Ifi?

'E lae mai ke 'uria loi.

16. Na ta ne ilito'ona nia kai ilia?

Kai ade fa'isia ba'elana God.

17. Ni Ifi 'e ade ifita?

Ni nia 'ania foe'edo 'eri, ka falea fatha  
Atam.

18. Sui tha Atam ma ni Ifi kera 'ifita na'a?

To'a kere adeta'aa.

19. Ni fa na adelana God ka kwa'ekera?

Falea ifada na ra 'e ba'ita, se'efiia,  
mata'ia, maea.

20. Ta na alana'ia God 'e alanania?

Kai arasia mai ta wane nia na kai  
labata'inia tha Seitana.

21. 'E fa'aronokera 'ana thatana wane 'eri?

'E a'i, sui kulu thaito'omana nia tha  
Jesus.

22. Sui tha Atam ma ni Ifi kera tharea wela kero'a ki, kera  
to'a kera adeta'aa?

Iu.

23. Uria ta?

Uria na maka kero'a ma na thainadaro'a  
to'a kera adeta'aa.

24. Ni tei tha Atam ma ni Ifi wela kero'a ki tootoona'o?

Tha Keni ma tha Afel.

25. Sui tha Keni ma tha Afel kera thathamia fo'a thatana  
God, si ta na kera nalia mai?

Tha Keni nalia foana 'ai, tha Afel ka  
nalia na lam.



26. Uria ta na God ka ala fasia fo'ala tha Afel?

Uria ne ilinia nuu tha Jesus na lam tha God.

27. Uria ta na God a'i si ala fasia tha Keni?

Uria nia nalia mai si do 'ana ra nia igwalana 'abu 'e a'i fasia.

28. Tha Keni ka ade 'ifita?

Rake'iri fa'ama'u, ka thaunia thasina tha Afel.

29. Lalae fanua na'i funu 'ana imole, kera 'ifita?

Kera ta'aa 'asia na'a.

30. Ni fa na adelana God ka kwa'eda?

Falea mai te igwaa ba'ita.

31. Kera sui na kera thuthu?

'E a'i.

32. Ni tei ne maruki?

Tha Noa me bare'e wela nia.

33. Ni fa na adelana keka maruki?

God fa'aronoa tha Noa ka thauna'inia te'e faka ba'ita na ak.

34. Na ta na na ak na nuuna?

Tha Jesus.



# Sulia toolana tha Jesus Christ i fanua ne'i iano.

1. Ifei na tha Jesus toto'o mai iei na ka lae mai uria fanua ne'i?  
Sana God Iaa.
2. Sui tha Jesus 'e lae mai Iaa ifei ne futa iei?  
I Bethlehem.
3. Tafana kula i Bethlehem?  
La bi'u bulamakau.
4. Thainana ni tei?  
Ni Meri.
5. Maka nia ni tei?  
Tha God.
6. Ni Meri kwaina ni tei?  
Tha Diosef.
7. Tei kera na kere lae mai tootoona'o keki rikia tha Jesus?  
Wane keki fono to'i fa'isia siif.
8. Ni tei ne fa'aronokera tha Jesus futa?  
Te ediel.
9. Na ta ediel 'eri sorea?  
" Musi ma'u, ku nalia mai ifamulu'a si fa'aromoa le'a 'ana se'e—thathalaa fa'ama'u, si do uria to'a ba sui, te Thuufa 'e futa iamulu'a ibaare,.... nia na tha Christ tha Lord."

10. Tei kera la'u kera lae mai keka fa'aba'itaa tha Jesus?  
Wane na lioda to'o ki.
11. Ni fa nia adelana God ka faatania tala isada?  
Falea mai fa bubulu.
12. Sui kere fulato'ona tha Jesus kera ade 'ifita?  
Kera tona fale ifana, keka fa'aba'itania.
13. Ni tei 'e thathamia kai thaunia tha Jesus?  
Tha Herote.
14. Ta ne 'uria 'e a'i si thaunia tha Jesus?  
Uria na God 'e fa'arouoa tha Diosef ka  
nalia uria i Itifto.
15. Sui Herote 'e mae ifei na tha Diosef ka nalia tha Jesus  
uria?  
Uria i Nasareth.
16. Ra ta nia 'e ra 'ania i Nasareth?  
Ra biia tha Diosef 'ana thauna'ia.
17. Tha Jesus fita fa nali nia 'e sui ka 'akwasia i Nasareth?  
Ulu tafulu fa nali.
18. Buriana 'e 'akwasia i Nasareth, ra ta nia ra 'ania sulia  
ulu fa nali?  
Liu sulia ilia le'ala, fa'arouoa to'a na  
fanua sulia God.
19. Si maza 'akwasia i Nasareth, ifei na lae uria tootoona'o?  
Uria kafo i Diotane.
20. Uria ta?  
Fasi keka fa'asiufinia.

21. Ni tei ne fa'asiufinia?

Tha Dione Kwaisiufi.

22. Ni tei ne lae mai Iaa se'e tha Jesus?

Tha Ano'edo Abu.

23. Ni tei ne nata mai Iaa?

God na Maka 'eri.

24. Na ta nia sorea?

"Kalu Wane nau ne'i, ku thathamini  
fa'ama'u, 'e le'a iaku urinia."

25. Tha Ano'edo Abu 'e tolea tha Jesus la masu'u uria ta?

Fasi tha defel kai ilito'ona.

26. Sulia fita fa boni a'i si 'ania ta si do?

Fai tafulu fa thato, fai tafulu fa rodo.

27. Sui tha Seitana 'e ilito'ona ni fa na adelana na tha Jesus  
ka tofe fa'isia?

'E ba'e 'ana ba'elana God (nini 'atha  
Ano'edo).

28. Si mana tha Jesus liu fasia ilia le'ala tei na talaia binia?

To'a ni toleda.

29. Uria ta?

'Ana kwaifa'amanatailada.

30. Tei 'ana to'a ni toleda nia 'ailia tootoona'o?

Demis ma tha Dione, tha Adru ma tha  
Bit.

31. To'a 'ana ta?

To'a 'ana deela.



32. Na ta na tha Jesus sorea saɗa?

“Lae mai iburiaku, kwai adekamaro'a  
moki ro *wane* 'ana deelana imole.”

33. Fita noni'i *wane* 'ana to'a ni toleda tha Jesus talisida  
'ana to'a ni arasida?

Te'e akwala ro noni'i *wane*.

34. Tei ne lae mai satha Jesus 'afa rodo?

Tha Nikotemos.

35. Na ta na tha Jesus sorea sana?

“Muki futa la'u iburi .... futa 'atha  
Ano'eda.”

36. Ni fa na adelana *wane* kai futa la'u iburi?

Nia kai fa'amamane'aa tha Jesus Christ.

JOHN 1.12, 13.

37. Ni fa na adelana kuka thaito'omana tha Jesus nia God?

'E thauna'inia do 'oro ki ta do si e'i.

Ni 'ana fanua ni sui.

'E thaito'omana do 'oro ki ta do si e'i.

38. Si mana ne lae mei ke imole na ta nia ilia ka faata'inia  
suukwa'ia nia?

Ra 'ana do 'e ba'ita ta *wane* si ilia.

39. Na ta nia ilia?

Fa'amarukia mata'ia, fa'aenoa kuburu,  
tharea lima to'oni *wane*, tata'ea to'a  
kera mae, adea *wane* 'aena katu ka  
lae, *wane* maane rodo ka lio, *wane*  
alinana bani ka rono, *wane* fokone  
'ato ka ba'e.

40. Tei na tha Jesus tata'ea fa'isia maea?

Thaari tha Deiros, kalu wane gwa 'oru,  
biia tha Lasaros.

41. Ni fa na adelana tha Jesus ka fa'aenoa thauthau maasi?

Sore'e "Alilifeo, too eno," sui asi ke  
eneno'a.

42. Si mana tha Jesus tharea lima to'oni wane fita lof nia alua?

Lima lof ma ro gwa i'a.

43. Sui tharea fai to'oni wane fita ai ne alua?

Fiu lof ma nada gwa i'a.

44. Ni fa na adelana kuka thaito'omana tha Jesus nia God  
ma nia imole la'u bo'o?

Nia biina, ka fana, ka le'a iana mai  
lione dila talafaka la'u bo'o, kera  
ilito'ona, nia thaofa, liona lalana,  
ka feda.

45. Lalae fula fulinana tha Jesus kai mae, ifei ne lae uria?

Uria i Derusalem.

46. Ta na si do 'i'isi na tha Jesus aluulu 'ania sana to'a ni  
toleda, sui ka mae?

Kera 'ania Fanaa itha'ulafia tha Lord.

47. Na ta na fa'aronoda keki ilia?

"'Ania si bret ne'i, ku'ufia si uain ne'i,  
'ana manatailakula.

48. Na ta na na bret tarifula?

Ilinia nuuna se'e tha Jesus.

49. Na ta na na uain tarifula?

Ilinia nuuna 'abuna Jesus ne igwa  
urikulu.

50. Sulia fita fa boni na kuki fana 'ana fanaa 'eri?  
Ma'akwalia nia kai fula.
51. Tei ne fa'aalama'inia tha Jesus?  
Tha Diutas.
52. Tei ne tofenia?  
Tha Bita.
53. Nana'ona wane ni fo'a ki arasia tha Jesus urifei?  
Satha Bailato.
54. Na ta na to'a kera ta'aa kera ilia 'atha Jesus?  
Kera onionania, keka kwa'enia, keka  
'erea gwauna 'ana kwalo totora.
55. Na ta na kera thathamia tha Bailato kai ilia?  
Kai fota fafinia imaatonana 'ai rarafolo.
56. Na ta na tha Bailato 'e sorea?  
Nau 'e a'i kwasi fulato'ona ta si do si  
ta'aa 'aninia, kwai lukesinia.
57. Sui na ta na to'a ba kera sorea?  
Fota fafinia imaatonana 'ai rarafolo.
58. Ifei na kera fota fafia tha Jesus imaatonana 'ai rarafolo  
iei?  
I Gu'i-imole.
59. Tei kera kera fota fafida imaatonana 'ai rarafolo biia  
tha Jesus?  
Ro wane kere thasi naunau ki.
60. Na ta na God 'e ilia 'ana inato'ona fa thato?  
Adea fanua kai rodo sulia ulu kade'e  
thato laula'u.

61. Na ta na tha Jesus sorea sui ka bi'i mae?

“Kera fa'asuia na'a.”

62. Na ta nia 'e fa'asuia?

Ra ne toto'o mai Iaa na ka lae mei uria.

63. Ra ta ne lae mei uria?

Nalia kwa'elana adeta'aalaka ka alua  
'aninia.

64. Tei ne alua tha Jesus?

Tha Diosef mei Arimathaia.

65. Tha Jesus teo ila kweine'ia sulia fita fa boni?

Ulu fa boni.

66. Fa thato ta ne tha Jesus tata'e fa'isia maea?

Sadei i'u'usunadi.

67. Tei ne rikinia ina'o?

Ni Meri mai Maktala.

68. Fita fa boni tha Jesus faata'inia sana to'a ni toleda?

Fai tafulu fa boni.

69. Si mana a'i si oli buri 'u uria Iaa, ta na tha Jesus sore  
sana to'a ni toleda keki ilia?

“Lae la fanua ni sui bo'o fa'arono 'ana  
fa'aronoa le'a 'eri sana imole ni sui.”

70. Ni fa na adelana tha Jesus ka ta'e uria Iaa?

Nia ta'e fa'isia gwauna gwa tolo i  
Olifis, si datha ka datha fasinia a'i  
kesi rikinia.



71. Si mana tha Jesus ta'e na ta na ediel keka soresa?

“Jesus ne'i bo'o....kai lae mei talafana  
na mulu rikinia ne lae.”

72. Jesus alana'i 'ifita kai oli la'u mai?

“Kwai oli mei, kwai talaikamulu'a  
iaku.”

73. Tei ne tha Jesus alanania kai arasia mai 'ana  
kwaifa'amanatailaka?

Tha Ano'edo Abu.

74. Tha Ano'edo Abu sifo mai ianita?

Fa boni 'ana Bedekost.

75. Fa boni 'eri ianita?

Te'e tafulu fa boni buriana tha Jesus  
'e oli buri uria Iaa.



## Fa nu 'ana ta'ela.

1. Nau kwai tafoa maaku uria gwa tolo lo ki :  
'Adomilaku kai lae mai ifei ?
2. 'Adomilaku satha Jehovah,  
Ne thau~~na~~'inia iaa me iano.
3. Nia 'e a'i si, alamate'inia keki 'idua 'aemu :  
Nia na kai beta'oe 'e a'i si biina :
4. Ne'i, nia na kai betaa Israel  
'E a'i si biina, ma 'e a'i si biina liu.
5. Tha Jehovah kai beta'oe :  
Tha Jehovah kai nunufi'oe ibali 'aba a'ola 'oe.
6. Na thato 'e a'i si thatofi'oe 'afa thato  
Mana madame 'afa rodo.
7. Tha Jehovah kai beta'oe fa'isia ta'aala kai sui  
bana :  
Nia kai betaa manomu.
8. Tha Jehovah kai betaa laelamu kau ma olilamu  
mei,  
Si mana 'eri 'ana si mana na kai lae ki mai.

## Pronouns

S. nau. 2. 'oe. 3. nia  
Pl. 1. in. 'oga. 1 ex. oka. 2. muki. 3 keka.

They are separated with nouns:

'ia 'wane keka sore: the men they said.

Suffixed to nouns.

Suffixed to verbs.

nia 'e suana-ukau: he touched me.

nau ku suana-mu: I — tree.

nia 'e suana-nia he — him.

nia 'e suana-a he — it.

nia 'e suana-kamili'a: he — us/ex.

thau ku suana-kamuli'a: I — you.

nia 'e suana-ōa he — them.

Possessives: nau, 'oe. nia  
kamili'a kamuli'a.

Suffixed prons. —mu — na.

—kamili'a, —kamuli'a — ōa.

Article 'na: 'na tala: the way.

Nouns

Plural shown by succeeding pronoun:

'na 'naari keka 'tha 'thania: the girls they wish it.

Relative succeed the noun.

An ending is ala, as in Saa.





